

一 一夜思

作者 李白

床前明月光，疑是地上霜。
舉頭望明月，低頭思故鄉。

五 尋隱者不遇

作者 賈島

松下問童子，言師採藥去。
只在此山中，雲深不知處。

二 春曉

作者 孟浩然

春眠不覺曉，處處聞啼鳥。
夜來風雨聲，花落知多少。

六 登樂遊原

作者 李商隱

向晚意不適，驅車登古原。
夕陽無限好，只是近黃昏。

三 登鸛雀樓

作者 王之渙

白日依山盡，黃河入海流。
欲窮千里目，更上一層樓。

七 鹿柴

作者 王維

空山不見人，但聞人語響。
返景入深林，復照青苔上。

四 江雪

作者 柳宗元

千山鳥飛絕，萬徑人蹤滅。
孤舟蓑笠翁，獨釣寒江雪。

八 相思

作者 王維

紅豆生南國，春來發幾枝。
願君多采擷，此物最相思。

九 雜詩

作者 王維

君自故鄉來，
應知故鄉事。
來日綺窗前，
寒梅著花未。

十三 渡漢江

作者 李頻

嶺外音書絕，
經冬復歷春。
近鄉情更怯，
不敢問來人。

十 竹里館

作者 王維

獨坐幽篁裡，
彈琴復長嘯。
深林人不知，
明月來相照。

十四 彈琴

作者 劉長卿

泠泠七絃上，
靜聽松風寒。
古調雖自愛，
今人多不彈。

十一 送別

作者 王維

山中相送罷，
日暮掩柴扉。
春草明年綠，
王孫歸不歸。

十五 獨坐敬亭山

作者 劉長卿

眾鳥高飛盡，
孤雲獨去閒。
相看兩不厭，
只有敬亭山。

十二 宿建德江

作者 孟浩然

移舟泊煙渚，
日暮客愁新。
野曠天低樹，
江清月近人。

十六 春怨

作者 金昌緒

打起黃鶯兒，
莫教枝上啼。
啼時驚妾夢，
不得到遼西。